

საქართველოს კანონი

„ქალაქ თბილისის საზღვრებში და მიმდებარე ტერიტორიაზე არსებული მწვანე ნარგავებისა და სახელმწიფო ტყის ფონდის განსაკუთრებული დაცვის შესახებ“ საქართველოს კანონში ცვლილების შეტანის თაობაზე

მუხლი 1. „ქალაქ თბილისის საზღვრებში და მიმდებარე ტერიტორიაზე არსებული მწვანე ნარგავებისა და სახელმწიფო ტყის ფონდის განსაკუთრებული დაცვის შესახებ“ საქართველოს კანონში(საქართველოს საკანონმდებლო მაცნე, №43, 2000 წელი, მუხ.122) შეტანილ იქნეს შემდეგი ცვლილება:

1.1-ლი მუხლის პირველი პუნქტი ჩამოყალიბდეს შემდეგი რედაქციით:

„1. ქ. თბილისის საზღვრებში და მიმდებარე ტერიტორიაზე თვითმმართველი ერთეულის საკუთრებაში არსებული მწვანე ნარგავებით დაფარული ტერიტორიის გასხვისება, აგრეთვე მწვანე ნარგავების კატეგორიის შეცვლა აკრძალულია, გარდა კანონით გათვალისწინებული შემთხვევებისა“.

2. მე-2¹ მუხლის მე-2 პუნქტი ჩამოყალიბდეს შემდეგი რედაქციით:

„2. ამ მუხლის პირველი პუნქტით გათვალისწინებულ დადგენილებას საქართველოს მთავრობა იღებს ქ.თბილისის მერის მიმართვის საფუძველზე, რომელიც შეთანხმებულია ქ. თბილისის საკრებულოსა და საქართველოს გარემოსა და ბუნებრივი რესურსების დაცვის სამინისტროსთან.“

3. მე-5 მუხლი ჩამოყალიბდეს შემდეგი რედაქციით:

„მუხლი 5.

1.მაღალი ღირებულების ენდემური და რელიქტური ჯიშების წიწვოვანი და ფოთლოვანი ხე-მცენარეებისათვის - მყრალი ღვია, აღმოსავლეთის ბიოტა, ელდარის ფიჭვი, ბიჭვინთის ფიჭვი, უთხოვარი, ქართული ნეკერჩხალი, საკმლის ხე, მედვედევის არყი, სამეგრელოს არყი, შავი არყი, კოლხური ბზა, კავკასიური აკაკი, შიშველი აკაკი, არმაზის შინდანწლა, კოლხური თხილი, ქართული თხილი, ჩვეულებრივი ხურმა, ქაცვი, წაბლი, ჭოროხის მუხა, პართვისის მუხა, იმერეთის მუხა, აღმოსავლეთის მუხა, ჭალის მუხა, პონტოს მუხა, კაკალი, წიფელი, კეთილშობილი დაფნა, კოლხური ჯონჯოლი, ჩვეულებრივი ჯონჯოლი, ქართული თელა, ძელქვა, თუთა ნამყენი, თელადუმა, თელანუმა და სხვ. - აღდგენითი ღირებულებები განისაზღვროს ხნოვანების რგოლების რაოდენობის მიხედვით: წიწვოვანებისთვის მერქნის ერთი რგოლის ღირებულება 100 ლარი, ფოთლოვანებისთვის - 50 ლარი.

მერქნის დიამეტრის განსაზღვრა მოხდეს ფესვის ყელიდან ღეროს ჩამოყალიბების ადგილზე.

2. დაბალი ღირებულების ჯგუფის ფოთლოვან სახეობათა ხე-მცენარეებისათვის - ჭადარი, ვერხვი (ყველა სახეობის), ცხენისწაბლი, იფანი, ცაცხვი, ნეკერჩხალი (გარდა ქართულისა), რცხილა, ჯაგრცხილა, აკაცია, აბრეშუმა აკაცია, სოფორი, გლუდიჩია, არღავანი, არყის ხე, საპნის

ბე, კატალპა, კუნელი – აღდგენითი ღირებულებები განისაზღვრება პირველი ცხრილის შესაბამისად:

ცხრილი 1

ერთი წლიური რგოლის ღირებულება შეადგენს 8 ლარს

ხის დიამეტრი სანტიმეტრებში	წლიური რგოლების რაოდენობა	აღდგენითი ღირებულება ლარებში
4 სმ-მდე, ჩათვლით	8	64
4,1 – 8 სმ	16	128
8,1 – 12 სმ	24	192
12,1 – 16 სმ	32	256
16,1 – 20 სმ	40	320
20,1 – 24 სმ	48	384
24,1 – 28 სმ	56	448
28,1 – 32 სმ	64	512
32,1 – 36 სმ	72	576
36,1 – 40 სმ	80	640
40,1 – 44 სმ	88	704
44,1 – 48 სმ	96	768
48,1 – 52 სმ	104	832
52,1 – 56 სმ	112	896
56 სმ-ის ზევით		1000

3. წიწვოვან სახეობათა ხე-მცენარეებისათვის –კედარი (ყველა სახეობის), ფიჭვი (ყველა სახეობის), კვიპაროსი (ყველა სახეობის), ცრუცუფა, სოჭი, ნაძვი (ყველა სახეობის) – აღდგენითი ღირებულებები განისაზღვრება მე-2 ცხრილის შესაბამისად:

ცხრილი 2

ერთი წლიური რგოლის ღირებულება შეადგენს 12 ლარს.

ხის დიამეტრი სანტიმეტრებში	წლიური რგოლების რაოდენობა	აღდგენითი ღირებულება ლარებში
4 სმ-მდე, ჩათვლით	8	96
4,1 – 8 სმ	16	192
8,1 – 12 სმ	24	288
12,1 – 16 სმ	32	384
16,1 – 20 სმ	40	480
20,1 – 24 სმ	48	576
24,1 – 28 სმ	56	672
28,1 – 32 სმ	64	768
32,1 – 36 სმ	72	864
36,1 – 40 სმ	80	960
40,1 – 44 სმ	88	1056
44,1 – 48 სმ	96	1152
48,1 – 52 სმ	104	1248
52,1 – 56 სმ	112	1344
56 სმ-ის ზევით		1500

4. ხილ-კენკროვან სახეობათა ხე-მცენარეებისათვის – მსხალი, ვაშლი, ბალი, ატამი, გარგალი, ალუბალი, ქლიავი, ლეღვი, შინდი, ტყემალი – აღდგენითი ღირებულებები განისაზღვრება მე-3 ცხრილის შესაბამისად:

ცხრილი 3

ხის დიამეტრი სანტიმეტრებში	აღდგენითი ღირებულება ლარებში
4 სმ-მდე, ჩათვლით	25
4,1 – 8 სმ	35
8,1 – 12 სმ	45
12,1 – 16 სმ	55
16,1 – 20 სმ	65
20,1 – 24 სმ	75
24,1 – 28 სმ	85
28,1 – 32 სმ	95

5. ბუჩქებისა და მხვიარა მცენარეებისათვის - ღვია, ტუია, წყავი, ჭყორი, შტამპიანი ჩვეულებრივი და მარადმწვანე კვიდო, მაჰონია, წითელფოთოლა და მარადმწვანე კოწახური, იუკა დიდებული - აღდგენითი ღირებულებები განისაზღვრება მე-4 ცხრილის შესაბამისად:

ცხრილი 4

ბუჩქის ან მხვიარა მცენარის დიამეტრი სანტიმეტრებში	აღდგენითი ღირებულება ლარებში
4 სმ-მდე, ჩათვლით	45

4,1 – 8 სმ	75
8,1 – 12 სმ	80
12,1 – 16 სმ	85
16,1 – 20 სმ	90
20 სმ-ის ზევით	150

6. ამ მუხლით განსაზღვრული ჯგუფებისათვის სხვა ხე-მცენარეების, ბუჩქებისა და მხვიარა მცენარეების მიკუთვნებას ახორციელებს და ამტკიცებს ქ. თბილისის მერიის შესაბამისი სამსახური.

7. იურიდიული პირის მიერ ჩადენილი დარღვევის შემთხვევაში, იურიდიული პირი იხდის ზემოაღნიშნულ ცხრილებში მითითებული აღდგენითი ღირებულების ორმაგ ოდენობას.

4. მე-6 მუხლის: ა) პირველი და მე-2 პუნქტები ჩამოყალიბდეს შემდეგი რედაქციით:

„1. ქ. თბილისის საზღვრებში და მიმდებარე ტერიტორიაზე არსებული მწვანე ნარგავები მათი ადგილმდებარეობის მნიშვნელობიდან გამომდინარე იყოფა სამ კატეგორიად.

2. პირველ კატეგორიას განეკუთვნება:

- ა) ბაღების, პარკებისა და სკვერების ნარგავები;
- ბ) ქალაქის ისტორიულ ნაწილში არსებული ნარგავები;
- გ) პროსპექტების, გზატკეცილების, ცალკეული მაგისტრალისა და ქუჩების ნარგავები;
- დ) ნარგავები, რომლებსაც განსაკუთრებული მნიშვნელობა აქვთ როგორც ნიადაგდამცავებსა და წყალმარეგულირებლებს.
- ე) საქართველოს მთავრობის 2010 წლის 20 აგვისტოს №1070 განკარგულებით „დედაქალაქის საკურორტო-რეკრეაციული ინფრასტრუქტურის განვითარებისა და მნიშვნელოვანი სახელმწიფო და საზოგადოებრივი ინტერესებიდან გამომდინარე, ქ. თბილისის ადმინისტრაციულ საზღვრებში მდებარე სახელმწიფო ტყის ფონდის კუთვნილი ფართობების (8106 ჰა) სახელმწიფო ტყის ფონდიდან ამორიცხვის შესახებ“ სახელმწიფო ტყის ფონდიდან ამორიცხული მიწები, გარდა კერძო საკუთრებისა.

ბ) მე-4 პუნქტის შემდეგ დაემატოს შემდეგი შინაარსის მე-5 - მე-7 პუნქტები:

„5. აკრძალულია პირველ კატეგორიას მიკუთვნებული თვითმმართველი ერთეულის საკუთრებაში არსებული მწვანე ნარგავებით დაფარული ტერიტორიის გასხვისება და მათში მშენებლობის განხორციელება, გარდა კანონით გათვალისწინებული შემთხვევებისა.

6. მე-2 და მე-3 კატეგორიებს მიკუთვნებული მწვანე ნარგავებით დაფარული ტერიტორიების გასხვისებისა და მათზე მშენებლობის განხორციელების დროს მწვანე ნარგავების ჭრაზე ნებართვის გაცემა შესაბამისი ორგანოების მხრიდან დაიშვება მხოლოდ შემდეგ შემთხვევებში:

ა) არსებული მწვანე ნარგავები დაავადებულია, ხოლო ასეთი დაავადების არსებობა და განკურნების შეუძლებლობა დადასტურებულია შესაბამისი უფლებამოსილების მქონე პირების მიერ;

ბ) სათანადო წესით გაცემული მშენებლობის ნებართვის არსებობის შემთხვევაში, თუ მიწის ნაკვეთზე განთავსებული მწვანე ნარგავები პირდაპირ აფერხებენ მშენებლობას და მათი დატოვება სამშენებლო ტერიტორიაზე შეუძლებელს გახდის მშენებლობის განხორციელებას ან გამოიწვევს უკვე აშენებული კონსტრუქციის უშუალო დაზიანებას.

7. ამ მუხლის მე-5 პუნქტით გათვალისწინებული ჭრები დაიშვება მხოლოდ ბიომრავალფეროვნებისათვის მიყენებული ზემოქმედების შესაბამისი საკომპენსაციო ღონისძიებების განხორციელებით.

მუხლი 2. ეს კანონი ამოქმედდეს გამოქვეყნებისთანავე.

საქართველოსპრეზიდენტი

გიორგი მარგველაშვილი